

SR SISO MARTIS HEFE DI REGISTRO Y ARCHIVO

ORANJESTAD(AAN)—Entrante prome di januari ultimo Sr. I.C. "Siso" Martis a ser nombra como hefe di e departamento Registro y Archivo.

Desde 1981 Sr. Martis ta funcionando como hefe interino di e departamento menciona.

El a drenta servicio di Gobierno dia prome di september 1955. Durante su carera como empleado publico el a sigui diferente curso, tanto den exte-

rior como localmente.

Esakinan tabata entre otro Archief verzorging 1 y 2, Job Relations, Modern Supervisory Practices Restoration and Reprography, Didaktische Ondersteuning y Office Management.

Sr. Siso Martis ta miembro di comision Registratuur Opleiding Nederlandse Antillen, presidente di comision pa examen Archief Verzorging, tambe miembro di Code Commissie pa Antillas

Hulandes, y miembro di e comision Archiefwetgeving Nederlandse Antillen

Sr. Martis pa mas cu 20 aña ta fungi como docente na e curso vakopleiding adjunct commies voor het vak Registratuur en Kantoororganisatie. Den su funcion di administrador di Archivo historico Sr. Martis a asisti na diferente congreso.

Tambe e ta miembro di e comision Georganiseerd

Overleg.

Sr. Siso Martis ta asumi e puesto di hefe di registro y archivo despues cu e hefe Sr. Figaroa a bandona servicio di gobierno pa bay disfruta di su pension.

HOMBER A RICIBI

Cont. di pag. 1

yente y pa motibo di amenazanan di morto el a ser aparta despues y a biba solitario pa 4 aña largo den prison.

Awe 7 aña despues di su aresto ciudad di New York a bin reconoce cu el a ser castiga erroneamente y pa e daño y perjuicio a otorga na e hombre e suma di 600 mil dollar.

Abogadonan specializa den casonan civil ta bisa cu esaki ta e suma di mas grandi cu a ser paga na un persona despues cu a resulta cu polis a wanta evidencianan importante atras.

Un abogado a bisa cu ciudad di New York ta pagando Charles Daniels pa 4 aña cu el a perde di su bida inocentemente y ademas di esey a sufri masha hopi di e daño causa na dje.

"Locual mi a pasa aden ta peor cu ser ehecuta", e hombre di 41 aña a laga sa despues. "Mi tabata sa cu un ora pa otro nan por a matami den prison pasobra nan tabata conveni cu mi a viola e mucha".

Daniel a ser deteni dia 27 di september 1978 den e apartamento cu e tabata comparti cu su mama. Algun dia prome cu esey un mucha di dos aña

a ser viola y un dia despues di e caso un mucha di diez aña a laga sa cu el a mira un hombre benta un mucha for di dak. E mucha den prome instante a bisa cu e no a reconoce e hombre y su descripcion tampoco tabata di Daniels.

E mucha viola no por a papia y no por a yuda polis tampoco.

Michael Miele un detective cu tabata traha na Queens e tempo ey a haci investigacion y el a puntra e mucha si e persona cu el a mira ta Charles Daniels y e mucha a bisa cu si y cu e tabata tin mucho miedo pa bisa asina den prome instante.

"Miele a sacami for di porta dilanti cu su compañeronan pasobra e tabata kier pa tur hende mira cu ta ami nan a aresta pa e caso. Den auto el a bisa cu e lo castrami si mi no papia. Mi a bisa nan cu mi no sa di nada y na warda di polis el a bisa cu e sa di 11 pa 12 persona cu a testigua contra mi y cu nan lo batimi si mi no habri mi boca y papia verdad", e hombre a bisa, pero durante weekend Miele a desmentí esaki den un entrevista. Na augustus cu e caso a ser trata 1979 e

unico testigo cu a testigua contra Daniels tabata e mucha di 10 aña. Abogado di e hombre a keda persisti cu e mucha ta equivocada. Mama i Daniels y tres bisña a testigua cu na momento di e caso e hombre tabata na su cas huntu cu nan.

Sinembargo despues di 3 ora y 40 minuut hurado a haya cu e ta culpabel y juez a sentencia na maximo 18 aña di prison. Sing Sing. El a gaña otro presonan cu el a ser castiga pa robo di un truck pero informacion sinembargo a sali di e caso, te cu el a ser avisa cu tin un contrato pa mate den prison. El a ser traslada pa cel solitario y den e tres añanan cu a sigui el a ser traslada pa prisonnan cu seguridad maximo y toch noticianan di su caso a yega den tur prison.

Na augustus su caso a ser apela y e veredicto a ser cambia pa asina un caso nobo ser habri. A bin sali afo cu detectivenan a tene informacion valido atras y cu nan tabata sa cu e mucha di 10 aña tabata mentalmente malo y cu e tabata bao di presion di polis. Pero tampoco a ser treci den corte cu e mucha no a ser tira di dak y cu e mucha aparentemente no a ser viola tampoco. A bin sali afo cu e mucha di 10 aña a comete e ataque sexual ariba e mucha chiquito y a traha e historia di abuso sexual.

Charles Daniels sinembargo no a regresa na su lugar anterior di biba. El a bandona esaki y a bisa cu e no tin deseo di biba eynan mas "pasobra nan a pasami den fierno y mi no kier tin memoria di e sitio ey", el a laga sa.



FUN WORLD

Tel: 41999

Den promenade na San Nicolas

FUNWORLD DEN CARNAVAL T'ESUN

MASCARADA—BLAAS DEN TUR COLOR—
SERPENTINA—FLUIT—STROOJTJES—
CREPE PAPIER
enfin TUR PA CARNAVAL



THE BOARD OF DIRECTORS AND THE MANAGEMENT OF CARIBBEAN MERCANTILE BANK N.V.

REQUESTS THE PLEASURE OF YOUR COMPANY AT A RECEPTION TO HONOUR OUR FRIEND

BASILIO KELLY

ON THE OCCASION OF HIS RETIRING FROM ACTIVE DUTY AFTER 48 SUCCESSFUL YEARS IN BANKING AND HIS APPOINTMENT AS A MEMBER OF THE BOARD OF DIRECTORS OF OUR BANK

PLACE: LOWER BALLROOM OF AMERICANA HOTEL
 DATE: FRIDAY JANUARY 25TH 1985
 TIME: 6.30 - 8.30 P.M.

DRESS: INFORMAL

PLEASE CONSIDER THIS AS A PERSONAL INVITATION

SUPER WAREHOUSE SALE

Schelpstraat 7
 (dilanti Sport Shop Antilliana)

Tur cos pa celebra nos CARNAVAL !!
KLAPSTOELEN-PAPERCUPS-COOLERS
 y JUGS

Na prijs **ESPECIAL !!!**

Nos a caba di ricibi **TIRES** pa tur marca di auto na **FLS.35,-**

Si compra 4 TIRE ta paga **FLS.25,-** pa tire

SUPER SUPER SALE
TA NOS SO POR!!!